

საქართველო  
ქვეყნის კანონები

კვირა 6 მარტი 1916 წ.


ფასი 12 კაპ.

რედაქციის ადრესი: თბილისი, ოლღას ქუჩა № 6.

# საქართველო პატრიარქი

იუმორისტ.  
ჟურნალი  
№ 10

ფედერალისტების დროშა



Handwritten blue scribbles and red text: '1916 წ. 3/12'.

სამსონი და თევდორე. (შეშინებულნი) მაგრათ მოსწითა, მაგრათ ხომ რედაქტო, როგორ ჩვენ როგორ ვწევთ, ვაი თუ მართლა აიწიოს!  
კიტა და გერონტი. (არხეინათ) ფიქრი ნუ გაქვთ! გინდათ—ათი უღელი კამეჩი დაუბით, ოღნავათაც ვერ დასძრავთ, ისე გვიქირავს.

## გაზაფხულის რითმები.

(ავტორი სსსტიკათ უკრძლავს „ცისფერ ეანწებს“ ამ ლექსის გადაბეჭდვას)

კვლავ გავხდი ღირსი, გაზაფხულო, შენი ნახვისა,  
მაგრამ ვის ვანდო, ბროლ-ზურმუხტო, მითხარ, ახ, ვისა,  
ეს საშინელი ქარავანი ფიქრო და ზრახვისა?...  
დღეს ნატამალიც ვერ ვიშოვე ვერსად ხახვისა!

გამოიღარა კვლავ ბუნებამ და იმ დარით მან  
თოვლის ბალიშს ქვეშ აამღერა ჩქერი, დარითმა...  
გულის სატრფოვაც გადიყარა მხრებზე შავი თმა...  
კატა შემიწვა მზარეულმა ჩემსა, დავითმა!

გულზე რომ სევდა მომწოლია, სადაურია?  
ბედმა ჩემ ღიმილს ცხარე ცემლი რად აურია?  
ვგოდებ და მოვსთქვამ, ვით ბაბილონს მოშა ურია...  
სად გაგონილა ზაქის ხორცი ცხრა შაურია?

თავს ვერ დავახწევ, გადამიტანს კაეშანთ ურდო,  
მარად თან მახლავს აბყზარა, ვით ძველი სურდო,  
დღეს რად გაცივდა სისხლი ძარღვში, გუშინ რომ ჰხურდა?...  
ახ, სად ვიშოვო წვრილი ფუღი, მანათის ხურდა?


ასეთ განსაცდელს სიკვდილი სჯობს, სჯობს აგონია...  
დე, ფერიებმა ვარდი ჰშალონ და აგონ ია,  
მე, სატრფოვ, მაინც თავს მოვიკლავ, მა რა გგონია?...  
ექვს-ექვსი სხედან... გაქედელია მთლად ვაგონია!

თუმცა ზურმუხტათ ხავერდდება, დახე, ვიშ, ველი,  
და ჩემი სატრფოვც ისე შეგნის, როგორც მთის შველი,  
მაგრამ, კეკლუცო გაზაფხულო, შენ ვერ მიშველი...  
ტანისამოსი დამიძველდა, დავრჩი შიშველი!

ჰა, დავივიწყე რომანტიზმი: ჰეგო, შუმანი,  
ჩენს ფუტურისტებს მივაბყარი ფიქრი, გუმანი:  
ოჰ, რა კარგია მოხარმული აბასთუმანი!..  
წყვილ ფებსაცმელში როგორ მივსცე ოთხი თუმანი?

აჰა, გავშიშვლდი, ვიგრიხები და ვიკვანწები,  
რითმებს დავძებ, ხელთ მიქირავს... ლურჯი ყანწები!..

თავუნა.



# პოზინაჟი.

გამოვიდა „ცისფერი ყანწები“.

თავში გვაშტიბელი პაოლო (თუ ვენციელი იაშვილი?) „პირველთქმით“ მიმართავს „საქართველოს მკონებს, ყველა მეოცნებეს, ქართველ ხალხს“ და აუწყებს, რომ ის (გვაშტიბელი პაოლო) და მისი ძმები, რომელთა ვინაობა ჩვენ არ ვიცით, „მრავალთა სასიკვდილოთ მოვლენიან“ „ბინძური მზით-გამთბარ საქართველოს ლანდურ(?) არსებას“ კოცონის დასანთებათ და ყოველგვარ ორგების ანუ უმსგავსებებათა საწარმოებლათ. მას (გვაშტიბელ პაოლოს) და მის ძმებს განუზრახავთ საქართველოს უსაზღვრო ქალაქათ გარდაქმნა, გაუგებარისა და საოცარი სიტყვების“ შექმნა, „ქალების ვნებიანათ სიყვარული“ და „დაუზოგავათ მრავლება ხალხისა“. ამ მიზნის მიღწევაში როგორც ირკვევა, „პირველთქმის“ ბოლოს, გვაშტიბელ პაოლოს და მის ძმებს ხელს უშლიან ვიღაც „საქურისები და ხმა დაკარგული მომღერლები“, რომელთაც ისინი სასტიკ ბრძოლას უტახადებენ და ერთხმათ უკვირან, „არული, არულიო“!

შუაში გრიგოლ რობაქიძეს თავი ზღვის სირენათ წარმოუდგენია, გაუტიტვლებია თვისი „მაგარი ტანი“, გაწოლილა ტალღებზე და ვიღაც „ვერცე-ლი ვაჟი“ ჩაუხუტებია. მიუხედავად ვაჟის „სივრცისა“ (და, უნდა ვიფიქროთ სიმძიმისაც) არც გრიგოლი და არც ვაჟი არ ჩამირუღან, რაიცა სავსებით ბ. გრიგოლის სიმსუბუქით უნდა აიხსნას.

შემდეგ კ-ნ(?) ელენე დარიანს უკანასკნელი ტანსაფარიც(!) კი გაუხდია, დაწოლილა და გადაუგდია ფარჩის საბანი. ამ დროს მას მიბარვია კატა და ქიპი მოულოკავს ვარდისფერ ენით. ელენე დარიანს კატის ლოკვა ვაჟის დორბლიან კოცნათ მიუჩნევია და ვნებისაგან მუხლები მოაღუნვია.

დასასრულ აკაკი ფლავის ჩინებული ძღვენი დაუმზადებია ქართულ თეატრისათვის, „თვისი სურვილი“ მაგრამ ამ სურვილის არსს მთელი ერთი გვერდის სივრცეზე უმაღლავს საზოგადოებას.

ხოლო სულ ბოლოს, ვინმე ტ. ტაბიძე, რომელიც, აშკარათ ეტყობა, გრ. რობაქიძის ლაქია უნდა იყოს, „სარულიად სერიოზულათ“ ეროვნულ

რენესანსის სადღეგრძელოს სვამს „ცისფერი ყანწებით“.

ახლა არა გვცალიან და თუ დრო დაგვიჩა, შემდეგ ნომერში უფრო დაწვრილებით გავაცნობთ მკითხველს „ცისფერი ყანწების“ „რაობას“.

## წერილი რედაქციის მიმართ

მოწყალო ხელმწიფე. უფალო რედაქტორო! თქვენი პატივცემული ჟურნალი ერთად ერთი ორგანოა, რომლისთვისაც „НѢСТЬ ЭЛИНЪ, НИ ЮДЕИ“ (იძულებული ვარ უცხო ენას მივმართო, ვინაიდან ეს სიტყვები წმ. სახარებისა გახლავთ, ხოლო სახარება, როგორც მოგეხსენებათ, ჯერაც არ არის რუსულიდან ნათარგმნი). თქვენ თანაბარის დაუნდობლობით ჰგესლავთ ყველას ვინც ამის ღირსია და სწორეთ ეს გარემოება მბედვინებს თქვენ ჰერქვეშ თავის შეფარებას მიუხედავად იმისა, რომ ვიცი—მასპინძლები ჩემს მსოფლ-მხედველობას არ იზიარებენ.

დარწმუნებული ვახლავარ, ჩემი თანამოაზრეები მისაყვედურებენ, როცა ამ წერილის საგანს გაიცნობენ: „რა დროს ამაზე წერააო, მეტყვიან ისინი, როდესაც მთელი ჩვენი პარტია და ყოველი გულწრფელი წევრი ამ პარტიისა ვლდებულთა თავისი გონება და გულის ყური ქართულ კლუბის არჩევნებზე მომხდარ უბედურებაზე შეაჩერონ სავსებით და ხანგრძლივო“.

მე ვეთანხმები ჩემს პარტიულ ამხანაგებს: თავ. მ. ჭავჭავაძის მამასახლისათ გასვლა ქეშმარილათ დიდ უბედურებას შეადგენს სოციალ-ფედერალიზმისათვის, მისი გამარჯვება მიუხედავად ჩვენ ძალთა სრულათ დარაზმვისა და მობილიზაციისა რაღაც საარაკო მარცხათ უნდა ჩაითვალოს... ეკვი არ არის აქ ჩვენ, ფედერალისტები, დამარცხდით, და ეს დამარცხება იმდენათ უფრო სამწუხაროა, რამდენათ უფრო მოულოდნელი იყო, მაგრამ... მოისმინეთ, ამხანაგებო, ჩემი „მაგრამიც“:

არასოდეს მარცხდება ის, ვინც არ იბრძვის! ხოლო ვინ გამოჩნდება უტიფარი და იტყვის, ქართველ სოც.-ფედერალისტთა პარტია კლუბის არჩევნებზე არ იბრძოდაო? ვინ არის კანდიდირი და გაჰბედავს იმის უარყოფას, რომ ჩვენი მწყობრი გამოსვლა კლუბის ასპარეზზე იყო პირველი ნამდვილი პოლიტიკური იერიში, მძაფრი და შეგნებუ-

ლი, რომლის წმინდა მიზანი ჩვენი სასიკაღლო საზოგადოებრივი დაწესებულების ბნელ ძალოვან დაცვა იყო? და თუ მაინც დამარცხდა ჩვენი პარტია და გაიშარჯვა „საქართველომ“, დეე, იცოდეს ამ უკანასკნელმა, რომ ეს მისი გამარჯვება პიროსის გამარჯვებასაც ვერ შეედრება და, რომ მოვალის ქამი და აწვევ არს, ოდეს ჩვენი ალამი აფრიადდება თავისუფლათ ეროვნულ კლუბის ბქეთა ზედა!

და რაკი ასე სდგას საკითხი, მე გულდამშვიდებით მოვისმენ ჩემ თანამოაზრეთა საყვედურს და გადავალ ამ წერილის საგანზე, რომელიც, შეიძლება მთელი პარტიის დამარცხებასთან შედარებით დიდმნიშვნელოვანი არ იყოს, მაგრამ თავისთავათ ფრიად საყურადღებო და საგულისხმეოა გახლავთ.

მე მოგახსენებთ ჩვენი წ. კ. ს. —ის საქციელზე, რომლის შესახებ „სახ. ფურცელშიაც“ იყო მოთავსებული ოციოდე წერილი.

დღეს ყველასათვის აშკარაა, რომ წ. კ. საზოგადოება მარქსიზმის გზას დასდგომია და მტკიცეთ მიაქანებს ერს გადაკვარებისა და ეროვნულ გახრწნილობის უფსკრულისაკენ.

საკმაოა მოიგონოთ ზემოხსენებულ საზოგადოების გამგეობის დადგენილება, რომლის თანახმათ უნდა გამოიცეს ბ. ლალიონის მარქსისტული მოთხრობები, ბ. ქუჩიშვილის მიერ გალექსილი „კაპიტალი“, ბ. კალანდაძის სოციალ-დემოკრატიული ასტრონომია და თქვენ წინ ფართედ გადაიშლება სურათი ზემოხსენებულ საზოგადოების მუხანათობისა.

მაგრამ რა არის ყოველივე ეს იმასთან, რაც მე წ. კ. საზ. —ის გამოკვეთილობითი მოღვაწეობაში აღმოვაჩინე?!

ვინ იყო თქვენის აზრით, ბ. რედაქტორო, განსვენებული იაკობ გოგებაშვილი?

ვიდრე თქვენ მიპასუხებდეთ, დაგასწრობთ და მოგახსენებთ:

იაკობ გოგებაშვილი იყო წმინდა წყლის მარქსისტი და მისი „დედა-ენა“, რომელსაც ოცი ათასობით ბექდავს ხოლმე ყოველწლივ „წ. კ. საზ.“, არის ყოვლად საშიში სახელმძღვანელო, თავიდან ბოლომდე ს.-დემოკრატიულ აზრებით გაჟღენთილი!

მაგალითისთვის შორს წასვლა არ დაგვიკრძლება. აიღეთ აურჩევლათ რომელიმე მოთხრობა ან

ლექსი „დედა-ენისა“, აი, თუნდ ცნობილი „მზეო ამოდი“.

„მზეო, ამოდი, ამოდი, ნუ ეფარები გორასა! სიცივეს კაცი მოუკლავს, საწყალი აგერ გორავსა!“.

რა არის ეს, თუ არ გალექსილი რეზიუმე „კომუნისტურ მანიფესტისა“?

გაგონილა ასეთი ურცხვი და უტიფარი აგიტაცია საბავშვო სახელმძღვანელოს საშვალეებით?

ამ ლექსს ხომ თვით კარლო ჩხეიძეც სიამოვნებით მოაწერს ხელს ამ წუთშივე, მიუხედავათ იმისა, რომ ავადმყოფობის გამო, შეიძლება კალმის დაქტრაც უჭირდეს?

სხოლოდ გონებით ბრმა და ბუნებით ჩლონგი ტვინის ადამიანი ვერ მიხედება, რომ ის მზე, რომლის ამოსვლასაც ნატრულობს პოეტი, არის მზე ინტერნაციონალურის (და არა ნაციონალურის, რადგან მზე, სამწუხაროთ, ყველა ეროვნებისათვის ერთია) სოციალიზმისა!

ხოლო რა არის „გორა“, ამ „მზეს“ რომ „ეფარება“? რა თქმა უნდა, მარქსისტებისათვის საზარელი „ეროვნული კედელი“, ეროვნული, გორა, რომელიც მათდა სავალალოთ ხელს უშლის ერთი ერთის მეორეში გათქვეფას.

„სიცივეს კაცი მოუკლავსო!“ პირველი შეხედვით ეს სტრიქონი ყოვლად უწყინარი და უმანკია: კაცი სიცივეს მოუკლავს, რა არის აქ ექვემისატანია... მაგრამ რა კაცია ეს კაცი? შემდეგი სტრიქონი გვაძლევს ამის პასუხს: „საწყალი აგერ გორავსაო!“ ხაზგასმული სიტყვა „საწყალი“ ადვილათ ხსნის ყველაფერს: საწყალი, ღარიბი, ლატაკი, უსახლკარო, პროლეტარი —ეს სიტყვები სინონიმები გახლდეთ და აშკარაა, რომ აქ სწორეთ პროლეტარი ჰყავს სახეში ავტორს.

მაშასადამე იმ „სიცივეს“ მაგიერაც ეროვნული თვით-შეცნობა უნდა ვიგულისხმოთ და არა ჰაერის ტემპერატურის ძირს დაშვება.

როგორც ჰხედავთ, მთელი ლექსი ოსტატურ შიფრით დაწერილ ს.-დემოკრატიულ მოწოდებას წარმოადგენს და ეს შიფრი რომ დავხსნათ, შემდეგს ამოვიკითხავთ:

სოციალიზმო, განხორციელდი, განხორციელდი,

ნუ ეფარები ეროვნულ კედელს! ეროვნულ თვითშეცნობას კაცი ზნეობრივათ მოუკლავს, ეს კაცი პროლეტარია და აგერ გორავსა!

რა ვუწოდოთ ამას? ლაცინვა ნორჩი თაობისა, მთელი ერის მომავალის აბუჩად ავდება, უტიფრობა თუ გარყენილობა?

ყველა ერთად!!!  
დიახ, ყველა ერთად!!!

და აი მე წინადადება შემომამქვს: 1) დაუყო-ნებლივ მოისპოს „დედა-ენა“, და აეკრძალოს კვლავისთვის მისი გაშოცება ქ. შ. წ. კ. გ. საზ—ისა.

დასასრულ, წინდაწინვე მადლობას მოგახსენებ, ბ. რედაქტორო, იმ სტუმართ მოყვარეობისათვის, რომელსაც, მრწამს, თქვენი ჟურნალი, ამ ჩემი წერილის შამართ გამოიჩინეს და

დავშთები თქვენი ერთგული მონა

ერთი ფედერალისტთაგანი.

ვაშოწმებ, რომ ბ. „ერთი ფედერალისტთაგანი“ ყველას მიერ პატივსაცემი მეთაურთაგანია ს. ფედერალისტების პარტიისა და თუ თავის ვინაობას არ ამჟღავნებს, ეს მხოლოდ მის თავმდაბლობას და სიმორცხვეს ამტკიცებს, რადგან სახელის მოხვეჭას გაურბის და როგორც სჩვევია, უხმაუროდ აკეთებს საქმეს. კერძო წერილში ბ. ერთი ფედერალისტთაგანი“ გვბირდება „სახალხო ფურცელში“ ძალიან ადრე ამ საკითხის შესახებ რამდენიმე წერილს მოვთავსებო. ჩვენი მკითხველი მოუთმენლათ მოელოდება ამ სენსაციურ წერილების დაბეჭდვას.

თაგუნა.



ზღაპრული დრო

ზღაპრული სიძვირე,  
ზღაპრული ვაჭრობა,  
ზღაპრული ღალატი,  
ტყავისა გაძრობა.

მტანჯავს და ცრემლივს მგვრის ხალხისა წუხილი,  
სულის და გულისა  
საზარი ღულილი.

მტანჯავს და მაშფოთებს  
მის გმინვა ქუხილი,  
მაგრამ კი მაოცებს  
ზღაპრული ღუმილი.

ჯერ არვის უცდა  
ამგვარი დროება.  
ამგვარი სიცოცხლე  
ამ გვარი ცხოვრება.

ჯერ მომსწრე არ არის  
ასეთი ამბისა,  
თავით და ფეხებით  
მახეში გამბისა.

და მიტომ დღეს გვმართებს  
გაქყეტა თვალების,  
ძებნა და მოპოვნა  
დამხსნელი კვალების.

და მიტომ ჩვენ უნდა  
მივიდოთ ზომები,  
რომ მტერთა კლანჭების  
არ გავხდეთ მონები.

მაშ, ყველა ვეცადოთ,  
ავმალღდეთ სულითა,  
უძლეველ აზრით და  
მედგარი გულითა.

მაშ, ყველამ შევიგნოთ  
ჩარჩების მძლეობა,  
ჩვენც გამოვიჩინოთ  
ზღაპრული მხნეობა.

ჭავჭავაძის ბზიკი

# პატარა ფელეტონი

გულუბრყვილოს დღიურიდან.

...მეც მართლა არ მეგონა, რომ ეს სიძვირე და ყველაფრის უშოვნობა უფრო ვაჭრების ბრალია! თურმე რა არის, აქ ვაჭრები არაფერ შუაში არიან! რის გამდიდრება, რის ჯიბის გასქელება! საწყალი ვაჭრები, თურმე, თვითონაც შიმშილითა წყდებიან! საქველ-მოქმედო წარმოდგენა მაინც გაუმართონ ი უბედურებს! თუ ფქვილსა და სანოვანს მალავდენ და სჩქლამავდენ, თურმე რა არი, ჩვენ ჯარს უფროთხილდებოდნენ და სულ აზრურუმში გზავნიდნენ.

— „მა როგორ გინდათ მოვიგოთ ამიო? გვეუბნება ხატისოვი — „ცოტა მუცელი მოიოკეთ, რომ ყველაფერი თავის კალაპოტში ჩადგესო! გირვანქა ხორცი ისევ 13 კაპიკი ვახდება, პურა—3 კაპიკი. მაზდი და შალი—არშინი ორი მანეთი და ყველაფერი ძველებურათ წავაო!“

ხო და, მართლაც რა არი, რა მსუნავობაა? ერთი—ორი დღე ვეღარ მოუთმენიათ,

საწყალი ვაჭრები, სუ იმათზე კი ვტეხავდით ჯოხსა! მე დარწმუნებული ვარ, მილოვ-ადელხანოვსაც ასე ტყუილათ დასწამეს ცილი! ვინ იცის, ის საცოდავებიც ჩვენი ჯარისთვის ზრუნავდნენ, აზრუმისთვის აგროვებდნენ მაუდის ნაჭრებს და, მადლობის მაგიერ, ციხეში კი ამოაყოფინეს თავი! ღმერთო! რამდენი ალაღ-მართალი იწვის ჩვენს დროში უბრალოთ! ხვალვე უნდა წავიდდე „უპრავა“-ში და ხატისოვი გავიცნო.

# მარკოზა და ესიკა

(გუჩნჯი სტენა)

დილა მშვიდობის, ესიკავ! რავა ძვილათი იტყვამ, ბიჭო, სულს ხიპაიან ჭუჭულსათვით, სურდო ხომ არ გიჭირებს?—ღმერთომა გაგიმარჯოს ჩემო მარკოზა, სურდუც კი მჭირს და ვოფოლენციეც. ვოფოლენციე კი არა სული რაფერ მიდგანა არ გიკვირს, რაც გაქვირება მე გადამწყდა წუხელ-ღამეს? მდიდარი და წელ-გამართული არცა როის არ ვყოფილვარ, მარა ასე თლათ დასაწყლებულიც არ ვყოფილვარ. გადასაყუდრი ქოხი რომ მომცა მაინც, აფერს არ ვჩივი. ჩემს სახლში დათფე გაძვრება კედლებში, აბა, სახურავი სულ ალაბაქს: რომ დავწობი გულ აღმა ღამე ჩემს ქოხში ვარსკვლავებს ვთავლი ცაში, ისე მოჩანა სახურავში ყოლიფერი. წროულს ისლის წაფარება მინდოდა, მარა ვეფერი ვერ გავახერხე, დავაყარე ისთეფლე ერთი ასი კონა ღომის ჩაღა, მარა რომ იბძგინა ქათმებმა სარჩინავში, სულ ბუქნას შობოდენ ერთ კვირეს და ყველაი ძირს ჩამეცხანეს ხო, იმას ვამბობდი... მუშინ საჩალავში ვიყავი, ადრე მინდა ყანას მოვკიდო ხელი. აი ბაღნები ქე შამომეცალა, ყველაი ჩხუბშია და თუ პაწაი ადრე არ დევიწყე ყანა, ვეღაფერს ვერ მუგასწრებ. საღამოს შევკარი ერთი კვირთი შეშა და ჩამეციტანე სახლში, ქალმა, მატრონიამ ქადი და ლობიე დამახვედრა, დევიხფესეთ, დანარჩენი ფინჩხები ჩემს ძაღლს, მურიას წუუყარე, დავახფესე იგიც. მერე— „გარეთ გადი ძაღლო“ მეთქი, შუუქახე, სწკვერტ და ქე გევიდა კედელში. სულელი იქნება კარები ეძებოს. სანამ კართან მივიდოდეს, აგერ გულხტება ხან ერთ კედელში, ხან მეორეში. დავწევით მერე და იგი იყო მელულებოდა თვალი, რომ ამოვარდა საშინელი ქარი, დუუბერა ჩვენს სახლს და შეიქნ ერთი ზუზუნნი, სისინი, ფშვიტინი კედლებში, საბანი ქე გადაგვადლიტა თავზე, დეიწყო ჩემმა მატრონიამ მისი გაჩენა-დაბადების და შვამაულის წყევლა: „ღმერთო, რეიზა გამაჩინე, ღმერთო რეიზა მომიყვანე ამ დღემდი, ღმერთო ცეცხლი და თაკარაი გუუჩინე ჩემ შვამაულსო.—ბეჩა, ვუთხარი რას იწყევლები, ჩვენზე ვარეს გასაჭირშიც კი არიან ქვეყანაზე, რა იქნა მეთქინ.—ჩვენზე უფრო გაქვირებული ვინდა არისო, შემომიკლაპუნა.— ვინ არის მეთქინ და—აი, ვაინში ხალხი რომ არის, ბალო

ნ. აზიანი.

კარტებში, იგენი ვარეს დღეში არიან მეთქინ.— გინდა ბალიკარტებში ყოფილხარ და გინდა ჩვენს სახლშიო.— ხო და, თუ ასეა, ვითამ ჩვენც ბალიკარტებში ვართ, ისე წარმევიდგინოთ ახლა, წუთუწვეთ და წუთუყრუოთ მეთქინ. ჩვევხუტეთ ერთმანეთს და ჩავწვეით ორივე პირჩაღმა, ვითამ მართლა ბალიკარტებში ვიყავით, ისე ვფიქრობდით. შეჩერდა უცებ ქარი, მევითქვით სული, ახლა თავზე სახლის დანტროვის აღარ მეშინოდა, გადმოვბრუნდით გულ-აღმა, მარა შენს ტერს იმისანა. წამოურტყა, მარა რა წამოურტყა წვიმამ! სათ გინდა ახლა რომ წახვიდე, სათ იშონი გადასაყუდრებელს. დეიწყო მატრონიამ მალაზონივით კიდო წყევლა. წამოდგა, თუ სამე კი ქონდა ტაშტი, კარდალი, კაპქანაი, ქოთანნი, საინი, ჯამი ყველაი მოწკაპა სახლში, ზოგი ეგერ შუუღდა წვიმას, ზოგი აგერ, მარა რა უუთავდებოდა? რავარც გარეთ, ისე წვიდა შითაც. ჩამოარიგა თუ არა აგი ქირქლები, შეიქნა სახლში რიკინ-რიკინი, —სულ სხვა და სხვა ხმაზე უკრავდა ტაშტი, ქვაბი, კარდალი, კაპქანაი, საინი და ჯამი. რომელი ბუზიკა ან არღანი შეედრებოდა იგენს? ქუთეთისის სობოროს ზარებსავთ რეკავდენ. მატრონიეს შემეშინა, თვარა ისე ამიკეკვდა ფეხები, რომ ერთს ჩამუუვარდი ცეკვით ბუქნას. მევიხურე საბანი ანაფორასავით და გაფჩერდი კუთხეში ჩვენ ხუცესსავით, დავაქედი ჩემს ტანისამოსს მოქვასავით, არ დამისოლდეს მეთქინ. სწორეთ რომ ბალიკარტებში ვიყავით, მარა იქინე ყოფვა კიდომ ჯობს, იქინე მაინც ერთ ჯერ მოკვტები კაცი, როიცხა მოგხთება ტყვია და აქანაი წელიწადში ასჯერ მოკვტები... რავარც იქნა გავათენეთ თეთრათ მე და მატრონიამ აგი დამე. დილას ადრე ქურქლები დავცალეთ და ცეცხლი მოვაპუქუნეთ. იგი იყო საუზმე უნდა მექამა, რომ წყეული ექვთიმელაის ხმაი გევიგონე. მაშინათე ვიცანი, ქალს ვუთხარი, შენ უთხარი, შინ არ არის თქვა, მე გამოვხტი გარეთ, გევიხდე, დუჟკავებია ხელში სამოცდა ორ სანტიმეტრიანი\*) ჩემი ვქესილი და მომადგა კარზე. დევიხი უცებ უკან და ფაცხის უკან კავმაგრდი. როცა დევიხანხე შინ გაბრუნდა ცოტა წინ წამოვიწიე. იგი იყო უნდა დამეკავებია ისთეველე ჩემი პოზიცია, რომ მეორე მევიდა, სამოც სანტიმეტრიან ვექსილით. დევიხი, კიდევ უკან და სასიმიინდის უკან გავმაგრდი.— არა,

\*) სანტიმეტრი უღრის ერთ მანათს.

როგორც ვხედავ, მალე მომიწევს ერიში, ხელჩართული ბრძოლა და ვინ იცის ვინ გევიმარჯვებს. თუ გევიმარჯვე იგია, თუ არა და გადამახთიებს ექვთიმე შეჩვენებული სამოცდა ორ მანეთს კონტრიბუციას.

შეიღობით, მარკოზა, მოგაცოინე კაცი, ახლა ორი ნაპირი გექნებოდა მოჩაღული.

ლუკაიეს ობოლი.

# შ ა რ ა ლ ა

ნუ გამიწყრები, მკითხველო, რომ ლექსი ცოტა გრძელია, და რომ მასთანვე შარადაც ადვილი ასახსნელია.

ის მხედრობაში მსახურებს მიღებული აქვს ფიცია, რომ ჯარს უკლებლად აძლიოს საზრდო და ამუნდია.

თორემ თუ ფიცი გასტეხა, ელის სასჯელი დიდია, (ბევრი მომხდარა რუსეთში ამგვარი მაგალითია).

მისი სახელის თავიდან ჩვენ ოთხი ასო გეკირია, ჩამოვსქრათ იგი და სხვისგან უკუვიქციოთ პირია.


ვინაც პირველად სწერია ქართველ მეფეთა სიაში და ქვაბში განძის პოვნითა ცნობილ არს ისტორიაში;

ვისაც აწერენ ჩინებულ სამხედრო ნიჭის ქონებას, და მასთანავე მხედრული ანბანის გამოგონებას,

ჩვენ მისხა სახელს მარცვლებად დავყოფთ და დავანაწილებთ მარცვალს მეორეს დავსტოვებთ სხვებს წავშლით ჩამოვაცილებთ.

იქვე მივაწერთ ერთ ასოს (უშრომოდ უძებლნელადა) ქორონიკონში რომელიც ოცჯერ ასს იტყვის მთელადა.

# ქართულ მოღვაწის საქმიანობა



## დიდიდან სადამომდე.

მიინც არ შესდგა შარადა,  
 კვლავ ითხოვს მიმატებასა,  
 ჩვენაც ამ მიზნით გადავშლით  
 ძველ წიგნსა დაბადებასა.

იქიდგან გვინდა სახელი  
 ჩვენ ერთი ებრაელისა,  
 წინასწარმეტყველად ცნობილის  
 ღვთისთვის უარის მთქმელისა.

(ამ ურჩობისთვის ღმერთმა ის  
 კიდევ დასაჯა დიდათა:  
 თევზის მუცელი მისცა მას  
 სამ დღე და ღამეს ბინათა).

მის სახელს სრულად გადმოვსწეროთ  
 და სხვაგან გავეშურობით  
 (შარადას ვერას უშველით  
 მარტო ამ წიგნის ყურებით).

ებლა რაც გვინდა ჩვენ იმას,  
 შევხედებით სამუკედლოშია,  
 მრავალი ცხოველისათვის  
 იგი ძვირფასი ქოშია.


აქ დავიწეროთ იმ ქოშის  
 მეორე ნახევარი  
 და ჩვენსა კვლევა-ძიებას  
 მით დაედება ზღვარია,

მაგრამ ჩვენ თავსა ებლავე  
 ვერ მივსცემთ დასვენებას;  
 სჯობს, რომ საჩქაროდ შეუდგეთ  
 შარადის აშენებასა.

თავში დავსწეროთ პირველი  
 ნანახი შენაძენია,  
 მერმე მეორე, მესამე,  
 და ასე დანარჩენია.



# ქართულ მოღვაწის საქმიანობა



## სალამოდან დილამდე.

როდესაც მორჩეთ შრომასა  
 მზად გვექნეს ყველაფერია,  
 მერმე კი გადაიკითხეთ,  
 ნახეთ, რა დაგიწერია?

ვიშ რა დიადი ცნებაა,  
 რა აზრის გამომხატველი?!  
 ძმობა-ერთობით ერების  
 გადამკვანძ-გადამხლართველი.

მის წინააღმდეგ შეთქმულან  
 ყველა 'მავ-ბნელი ძალები—  
 მაშვრალ ტვირთ მიძიმეთ ხორცმეტნი,  
 ცხოვრების ნაძირალეები.

და გააფთრებით ყოველ მხრივ  
 უტევენ მისსა ზღუდესა,  
 ლამობენ იგი სავესებით  
 წაიქცეს გადამბრუნდესა.

მას კი ოღნავაც ვერ აკრთობს  
 ურიცხვი მტრისა ძალია,  
 სწამს გამარჯვებას მოუტანს  
 ბრწყინვალე მომავალია.

კვანი.

## სადღეისო დიალოგი.

მეგრელი და იმერელი, უსაქმონი—უადგილო-  
 ნი ერევის მოედანზე სკამზე სხედან.

მეგრელი ქალაქის თვითმართველობის შენო-  
 ბას მისჩერებია და იცინის.

— რას იცინი ამხანაგო? დაეკითხა იმერელი.

— იცი რა? ამას წინათ ჩემმა ამხანაგმა ქარ-  
 თულ წარმოდგენაზე წამიყვანა. თამაშობდენ „ოტე-  
 ლოს“ ვინცხა... შევმა კაცმა ცოლი დაახრჩო...

ჰო და ფარდა რომ აიხადა, სცენა სულ ასე იყო მოწყობილი: მოედანი, დიდი სახლი... გამოვიდა ერთი კაცი, მივიდა სახლთან და დაიწყო ყვირილი: „ქურდები! ოჰ, ქურდები! ქურდები მეთქი“!..

— მერე რა!

— რა და ახლა მეც მინდა, მივიდე „უბრავასთან“ და დავიყვირო: „ქურდები, ოჰ, ქურდები-მეთქი!“

— იყვირებ და იმდენს გცემენ, სიგძე-სიგანეს გაგისწორებენ.

— რატომ, ჯიმა, რყულია თუ? არ არიან ქურდები თუ?

— მართალი რომაა ისინი „ტყუილად“ გადააქცივენ...შენ რა გეკითხება? შენს ტყაგში დაეტიე.

— რატომ? რატომ დევეტო ჩემს ქერქში? რუსის კანონი ხომ ყველასათვის თანასწორია?

— მერე?

— აქლემის ქურდი და ნემისს ქურდი ხომ ორივე ქურდებია?

— ასე ამბობენ, მარა საქმეში კი „ერთი“ არაა. შენ რომ ცხენს მოიპარავ და მილოვი და ადელხანოვი ერთ მილიონ არშინ მაუდს...

— მოიცა, სი კონი! ცხენის მოპარვა ვის გაუგონია? მოპარვა ის არის—რამეს აიღებ ჩუმად, ისე, რომ არავინ დაგინახოს, ჩაიღებ ჯიბეში და წამოიღებ... თუ შენ მოგაქვს—მაშინ ხარ ქურდი... ცხენი-კი...ზედ რომ შევჯდები—ცხენს მივყევარ... მაშასადამე ცხენი მე მიპარავს... რადგან იმას მივყევარ!..

— კარგი, მაგრამ ტყეში რომ მიიყვან და დააბამ?

— რომ არ დავაბა, ქე წამოვა თავის სახლში.

— ჰო და რომ დააბამ, იმიტომაც ქურდი ხარ. შენ თითონ ამართლებ მილოვს და ადელხანოვს. იმათ თავიანთი ხელით არც წამოუღიათ საქონელი და არც „დაუბამთ“. საქონელი დროგმა და ფურგუნმა წამოიღო. დროგზე დაუდეს მუშებმა, გადმოიღეს მუშებმა, მაღაზიაში ჩაიბარეს ნოქრებმა, გაჰყიდეს ნოქრებმა. მაშ ვინ არიან აქ ქურდები? მდროგებები, მუშები და ნოქრები! როცა საინტენდანტოს საწყობიდან დროგებით საქონელს ეზიდებოდნენ, მილოვი და ადელხანოვი „დუმის ზასედა-ნიაზე“ ისხდნენ და იმაზე მსჯელობდნენ, თუ როგორ დაეხსნათ რუსეთი განსჯადელისაგან.

— რუსეთის დახსნაზე ფიქრობდენ და ხანას ქე ქურდავდნენ?

— მერე რა ვუყოთ? შენ რომ ოჯახში რა მოიპარო და იმ სახლს ცეცხლი გაუჩნდეს ხომ გეშველები ჩაქრობაზე? შენ ტყვილათ გიხარია, რამხანაგები იშოვნე! ისე მშრალათ გამოვლენ საქმიდან, როგორც ბატი წყლიდან.

— მაშ ვის დასჯიან?

— ვისა და ვისაც ფული არა აქვს. შენ რა ცხენის ქულობაზე დაგიჭირეს, ფული რომ გქონდა და ხომ არ დაგსჯიდნენ?

— ფული რომ მქონდეს, რაღათ მოვიპარავ!

— იმათ ფულიც აქვთ და მანც იპარავენ.

— მერე არ რცხვენიათ?

— ჩვეულებაა! შენ რომ ეხლა ერთბაშად გამდიდრდე, ხომ ვერ დაიშლი ცხენის ქურდობაზე მეგრელს გააზმორა, ტანში ჟრუანტელმა დაუარა, თავი ჩაღუნა და გაიციანა.

— ღუმეში რომ კრესლოებში ისხდნენ, ხომ გასვარეს კრესლოები თავიანთი საქციელით? უნდა გასწმინდოს ახლა?

— ვინა და ხატისოვმა!

ქაფური.

## მოხსენება ხონიდან.

### III

#### ინტერვიუ ქ-ნ ეკატერინე ბახტაძისასთან.

თქვენო უეშმაკებულესობავ! სანამ მოხსენებ წერას შეუდგებოდე, ნება მომეცი ბოდიში მოვიხილო ქ-ნ ეკატერინეს წინაშე: ისა და მისი მეუღლე ხონში პირველები ბრძანებულან და მე კი ინტერვიუები სხვებისაგან დავიწყე, რითაც როგორც წინააღმდეგობა გამოიჩინე, დიდათ მიწყენინებია მათთვის.

ქალ-ბატონი ეკატერინე მე შემთხვევით გავიცანი ერთ ნაცნობის ოჯახში; მან შემოსვლისთანავე მიიპყრო ჩემი ყურადღება: დინჯათ, ოღნავ მოღიშარს სახით შემოვიდა იგი და მოწყალეობის გემომხატველი თვალებით გადახედა დამხთურთ; ერთი წუთით კარებში შეჩერების შემდეგ, ჯერ ყველაფერს დასაფრთხილებლად მოგვცა და შემდეგ კი, ჩაბნელებულად მოაღივებდა. ჩემი ჯერიც მოახლოვდა. მე, როგორც შეეფერებოდა, თქვენი უეშმაკებულესობის მოადგილე სწრაფათ წამოვდექე, ჩემს საკუთარ ტანზე მიმოვი

ხედე, — ურიგოდ არა მქონდეს რა მეთქი და მოვმზადე.

— მათი უეშმაკებულესობის მოადგილე — აბი, ბეჯითის კალოთი წარუდგინე ჩემი თავი და ნაზად გამოწვილე ხელზე მოწიწებით ვეამზარე.

— მაშ თქვენ ბრძანდებით აბი, გაიკვირა მან და ცბიერებით აღსაესე ღიმილის გამომხატველ თვალებით დამაცქერდა.

— სწორეთ, მე გახლავართ.

— ძლიერ სასიამოვნოა თქვენი გაცნობა, ძლიერ სასიამოვნოა და ძალიან ვწუხვარ, რომ გაცნობისთანავე საყვედურის თქმა მიხთება.

— რა დამიშავებია, დიდათ პატივცემულო ქალბატონო, რით დავიმსახურე თქვენი საყვედური?.. მიბრძანეთ, ქალბატონო, და მე მზად ვარ დაუყოვნებლივ შევიანაო შეცოდებანი ჩემნი.

— ბევრი არაფერი, მაგრამ მაინც დააშავეთ, განაგრძო მან: თქვენ პირველი ინტერვიუ სხვას გაუკეთეთ და არა მე ან ჩემს ქმარს; ხონში პირველები მე და ჩემი მათე გახლავართ; რაც კი დაწესებულებებშია ხონში — კულტურულია იგი თუ არა კულტურული — ყოველგან თავმჯდომარეთ ან მე ვარ, ან მათე. ხონის საურთიერთო საზოგადოების თავმჯდომარე და მმართველი მათეა; ამ დაწესებულებაში არ შეიძლება რამე გაკეთდეს მისი სურვილის წინააღმდეგ. მართალია არიან დირექტორები, საბჭოს წევრები, მაგრამ ყველა ესენი მათეს სურვილის აღმასრულებელი არიან. წ. კ. საზ. განყოფილების თავმჯდომარეც მათე გახლავს, მათეა აგრეთვე თავმჯდომარე კოოპერატიული ამხანაგობისაც. ზოგიერთებს ჰქონდათ ვერაგული განზრახვა ამ უკანასკნელში იგი არ აერჩიათ თავმჯდომარეთ, მაგრამ მათემ აქაც მოახერხა გამარჯვება: მან გამგეობის პირველს სხდომაზე, რომელზედაც უნდა აერჩიათ პრეზიდიუმი, სხდომის დაწყებისთანავე განაცხადა: „მე არ შემიძლია არც მდივნობა და არც ხაზინადრობა“. ამ განცხადებამ თავზარი დასცა მის მოწინააღმდეგეთ, მაგრამ რას იქმდენ, — იძულებული გახთენ აერჩიათ თავმჯდომარეთ.

ქალთა წრის თავმჯდომარე კი მე გახლავარ, დრამატიული წრის თავმჯდომარეც მე ვარ; ვარ აგრეთვე წევრი წ. კ. საზ. განყოფილების გამგეობისა. ამ უკანასკნელში ერთი წელი, თუ ცოტა მეტი, თავმჯდომარის მოვალეობასაც ვასრულებდი.

და აი, ბ-ნო აბო, ჩვენ გვერდი აგვიარეთ და პირველი ინტერვიუ სხვას გაუკეთეთ. უნდა გა-

მოგიტყდეთ, რომ ეგ, როგორც ჩემთვის, ისე ჩემს მათესთვის, საწყენია.

— თუ მარტო ეგ არის ჩემი დანაშაული, ბოდიშს ვიხთი, დიდ ბოდიშს ვიხთი თქვენსა და თქვენს მათეს წინაშე და ვბედავ პატიება გთხოვოთ.

ახლა კი ნება მიბოძეთ აქვე გაგიკეთოთ ინტერვიუ.

— მე მზად გახლავარ. ქ-ნ ეკატერინეს მეტი მეტი სიხარულით სახე გაუწითლდა, თვალეზი გაუბრწყინდა და სმენათ იქცა.

— მაშ გთხოვთ მიპასუხოთ შემდეგ კითხვებზე: რას საქმიანობდა წ. კ. საზ. განყოფილება თქვენი თავმჯდომარეობის დროს?

— გამგეობამ ჩემი თავმჯდომარეობის დროს შეკრიბა 200 მანეთამდე საწევრო გადასახადი, გაამართა აგრეთვე ბარე ორი საღამო, ერთი სეირნობა; როგორც საღამოებმა, ისე სეირნობამაც გვარიანი შემოსავალი მოგვცა.

— სხვა?..

— სხვა რა უნდა მოესწრო ერთი წლის განმავლობაში?!. გაიკვირა ქ-ნ ეკატერინემ და მხრები აიჩჩინა.


— ამ საზოგადოებას ხომ გარკვეული მიზანი აქვს: წერა-კითხვის გავრცელება. ნუ თუ არ ცდილობართ ამ მიზნის და გვარი რამე გაგეკეთებიათ?

— ჰმ... წერა-კითხვა... ხონში სასწავლებლები საკმარისია, ასე რომ აქ წერა-კითხვას უჩვენოთაც ავრცელებენ.

— მაგრამ ხომ შეიძლება ისეთებიც იყვნენ, რომელთაც არ შეუძლიათ სხვა და სხვა მიზეზების გამო არსებულ სკოლებში იარონ; მაგალითად ხარაზების, მჭედლების და სხვა ამგვართა შტგირდები. ხომ შეიძლებოდა, რომ ამისთანებისათვის საკვირაო სკოლი გაეხსნათ?

— შეძლებით, როგორ არა, მაგრამ ამისთვის სამწუხაროთ დრო არ მოგვრჩა. მეცა და ჩემი მათეც, როგორც უკვე მოგახსენეთ, თითქმის ყველა საზოგადოებებში და წრეებში ვართ თავმჯდომარეებმათ; ამას გარდა ჩემი მათე ექიმი არის და ხომ მოგეხსენებათ ექიმის მოვალეობა. მაშასადამე ჩვენ ველარ მოვიცალეთ. ექიმი პოლიკარპე ჩიკვიშვილია გამგეობის წევრი, მაგრამ ამისათვის დრო არც იმას მორჩა; იგი გამგეობის სხდომებზე დასასწრებლათაც კი ვერ იცლის. სხვისთვის ვისთვის უნდა

# პასუხი



**ი. დულაძე.** ორი თვეა ვწერ... რამდენი ქალაქი დავანელე, მაგრამ პასუხი ჯერაც მზათ არ არის. პალმოვი და შიო შლინგი რომ ჩემთან იყვნენ სამსახურში, გაგხარებინ ადვილათ გავცემდი პასუხს: ხაშური და მისი ჯანი, მაგრამ...

მიგვენდო აბა საკვირაო სკოლის გახსნა და მოვლა, — მასიკოს ხომ ვერ მივანდობდით?!

— შეიძლება სახალხო კითხვები მოაწყვეთ, ან ლექციები? ამისათვის არც ისე დიდი დრო იყო საჭირო.

— ვერც ეს მოვახერხეთ, ბ-ნო აბო. ადგილობრივთ, თუ დასელებს არ მივიღებთ მხედველობაში, რომელთაც ჩვენ არამც და არამც არ დავანებებთ წ. კ. საზ. განყოფილების სახელით ლექციების კითხვას, მხოლოდ ჩემი მათე ლექტორობს; მან ამას წინეთ კიდევ განიზრახა ლექციის წაკითხვა, მაგრამ სამწუხაროთ მსმენელთა რიცხვი მეტად დიდი აღმოჩნდა, იმდენათ დიდი, რომ ადგილობრივმა თეატრის დარბაზმა ვერ დაიტია და ჩვენც იძულებული შევიქენით ლექცია გადაგვედო იმ დრომდე, სანამ სახალხო აუდიტორიას არ ავა-

შენებთ. რაც შეეხება სახალხო კითხვებს.. ერთი სიტყვით დროს უქონლობა გვიშლის ხელს.

— ამ შემთხვევაში შეიძლება უკეთესი ყოფილიყო, რომ თქვენ და თქვენს მათეს ხელი აგელოთ ზოგიერთ საზოგადოებათა თავმჯდომარეობაზე და გამგეობათა წევრობაზედაც?

— აბა ამას რას ბრძანებთ, ბ-ნო აბო?! იწყინა ქ-ნ ეკატერინემ და ისეთი თვალეები მიჩინა, რომ მზად ვიყავ სადღაც შორს, შორს გადავკარგულიყავ, ოღონდ კი...

— უჩვენოთ სად რა გაკეთდება, ვინ გააკეთებს?! ან ვინ უნდა ავირჩიოთ სხვა?.. დასელები ხომ არა?.. ვერა, ბ-ნო აბო, დასელებს ჩვენ ერთგულათ ვერეკებით ყოველგვარ დაწესებულებებშიდან. ამას გარდაც, ჩვენ შორის დარჩეს და, მე ერთი ავამყოფობა მქირს: თუ კი რაიმე არჩევნებია

და მე არ ამირჩიეს, ისტერია მომივლის, გული წამივია...

— ეგ საშიში ავადმყოფობა, საშიში,— ვაწყვეტინე მე,— და თუ ნებას დამრთავთ, მე მოგართმევთ უებარ წამალს. მართალია თქვენ ექიმის ცოლი ბრძანდებით, მაგრამ დარწმუნებით შემიძლია მოგახსენოთ, რომ ჩემ მიერ გამოგონილი და ეშმაკთა საექიმო სამმართველოს მიერ მრავალ გამოცდის შემდეგ უებარ საშვალებით აღიარებულ საგნებს, თქვენს მათეს არა ეცოდინება რა თქვენს ავადმყოფობას ზღაპრულს სისწრაფით გააქრობს ჩემი ფირმის შუჭაგუდინის აბი. მე მოგართმევ სასინჯავათ სამ აბს და, თუ თქვენც დარწმუნდებით მის სიკეთეში, განაგრძეთ მიღება, სამს დღეს — დღეში სამ-სამი. აბების მიღება ხონში შეგიძლიათ „ეშმ. მათრ.“ აგენტ მიტ. ვალდავაძესთან.

— დიდი მადლობელი ვიქნები, ბ-ნო აბო, დიდი მადლობელი; აუტკლებლათ ვცდი, თორემ ყოველ არჩევნებზე გულის კანკალ-ფრიალმა ლამის დამადნოს ამოდენა ქალი.

ამ დროს სტუმართ მოყვარე დიასახლისმა თერმონიაზე მიგვიპატივა და ჩვენი ინტერვიუც შეწყდა.

თქვენი უეშმაკებულესობის მოადგილე ხონში აბი.

### პატარა მესტვირული

ეშმაკო! რა ვქნა არ ვიცი, საით ვიბრუნო პირია, ან ვის ვაუწყო დღეს ჩემი უზომო გასაჭირია. ვისზედაც სამართლიანათ ავახმატკბილვ სტვირია, და ვინცა მწვავე მათრახით შეიქმნა ანაყვირია, ყველამ წამოყო თავი და ყველამ ჩამასო კბილია.

ბევრი ფეხისა ხმას აყვა, მით გამიმრავლდა მტერიო, შემომესიენ ყოველ მხრივ ახალგაზრდა თუ ბერიო. დამიწყეს ლანძღვა-მუქარა სასტიკ გულანამტვირია.

საბედნიეროთ არა მაქვს ულვაში, არცა წვერია, თორემ დღეჟდისინ, ღმერთმანი არ შემრჩებოდა ღერია.

ასეა ჩემი ცხოვრება ეშმაკო, ჩემო ბიძია! და თუ ხანდახან მოხედავ, მადლი იქნება დიდია. თორემ დღეს ჩემი სიცოცხლე სწორეთ რომ ბეწვზე ჰკიდია.

ჭავჭავი ბზიკი.

### წერილი სოხუმიდან.

ძმაო ეშმაკო!

თუ გახსოვს, დიდი ხანი კია მას შემდეგ, ნარევი ასეთი ცნობა იყო ამერიკიდან.

„ამერიკა—სწერდა გაზეთი, სასწაულების ქვეყანაა. 24 საათში ეკლესია ააშენეს და შიგ სწირეს კიდევ“...

მართალი გითხრა მაშინ ეს სასწაული შემხარბდა და ვიფიქრე, როდის იქნება საქართველოშიაც ამ სიმაღლემდე აახწიოს კულტურამ-მეთქი და გაგხარაინ მე ეს ნატვრა ამისრულდა.

ჩვენ, სუხუმელები, ორ საათში დრამატიულ საზოგადოებას ვაარსებთ და პიესასაც ვთამაშობთ.

არ იფიქრო ვხუმრობდე!

წასულ კვირას აქ დრამატიული საზოგადოების კრება მოხდა. მოვიდნენ, იბასეს, გამგეობა აირჩიეს და წარმოდგენაც გამართეს.

პიესა სულ ახალია... დრამატიული ლიტერატურის ახალი პრინციპებით დაწერილი.

გაცნობებ მის შინაარსს:

მუშტი-კრივი.

პიესა 1 მოქმ. თხზულება სუხუმელებისა.

ფარდა აიწვეა. სცენა ცარიელია. თანდათან ხალხი გროვდება. ირჩევენ თავმჯდომარეს და იმართება კამათი. მსჯელობენ, ლაპარაკობენ... საკითხები ირკვევა. ირჩევენ გამგეობის წევრებს... და რადგან კრების უმრავლესობას სტ. დ. შეადგენს. გამგეობის მთელი შემადგენლობა თითქმის ს. დ. ამ დროს წამოვარდება ფედერალისტი (ამ მსახიობის გვარი ვერ გავიგე) და ამბობს: „ეს უპატიოსნება!.. ეს არჩევნები არ არის კანონიერი!“—ო. ამ

სიტყვებზე ხალხიდან გამოვარდება ს. დ. სტუდენტი —ლი. — „როგორ თუ შენ ჩვენს მოქმედებას უპატიოსნო უწოდებო და, როგორც ვეფხი ეცემა ფედერალისტს თმაში, ჩაიდებს ფეხ-ქვეშ და დაუწყებს ცემას. მივარდებიან, გააშველებენ... სტუდენტი სცენიდან გაპყავთ. ნაცემი ფედერალისტი წამოდგება, მტვერს გაიბერტყავს, მივარდება ერთ ს. დ. და დაუწყებს ცემას. ს. ბი რა დაინახავენ ამას, დასცემენ ყოყინას: ჰჰა მაგას! მიცვივდებიან ფედერალისტს და დაუწყებენ ცემას.

ამ ღროს საიდამოც გამოვარდება ერთი ხმალ-ხანჯლიანი. „გაუშარჯოს!“ შეჰყვირებს ნაცემი. თავმჯდომარე ზარს რეკს. ფარდა ეშვება.

ეს არის პიესის შინაარსი. რეცენზიას შემდეგ მოგაწოდებ, მაგრამ აქვე მინდა აღვნიშნო ახალგაზდა მსახიობი, მოკრივე სტუდენტი, რომელსაც დიდი ნიჭი ეტყობა: საჭიროა მისი კურსებზე გაზიარება.

სულ-ხუმელი.

დეპეშები.

ფოთი. რადგან შანტაჟისტების მუქარამ, ცეცხლმა და ტყვიების დაშენამაც კი ვერ გასტკრა ს. ჭყონიაზე, იმნაძეზე და მოისრაფეშვილზე (ასე გასინჯეთ ებრაელ ვაჭრებზედაც კი) შანტაჟისტების ნაწილი იძულებული გახდნენ „გამოცხადებულიყვენ“ ბ-ნ პოლიცემისტერთან თავიანთი „გასაჭირის“ ასახსნელათ, პოლიცემისტერმა მოისმინა რა შანტაჟისტებისა და მათი „შეგამავლების“ მოხსენება „ურჩია“ სანამ დანარჩენი წავრები „მობრძანდებოდნენ“ პოლიციაში, თქვენ „მოითმინეთ“ ჩვენს ბინაშიო და გაგზავნა კიდევ ყველანი შესაფერ „სასტუმროში“.

— ამავე „სასტუმროში“ მიიწვიეს „პოსაჟირებმა“ ერთი ადგილობრივი თერძი, რომელიც, ჩოხებს უკერავს თურმე „სასტუმროს“ მდგმურებს და „ზაკაზის“ დამთავრებამდე იქვე რჩება. ამბობენ „სასტუმროში“ უფრო „საპატიო და მთავარ“ წევრებსაც მიიპატიებენ „სასტუმროს“ უფროსებიო.

— ბ-ნმა ტყემალაძემ უწინდელ „პრომხის“ გამოსასწორებლათ დამშეულებთან ნება მისცა სხვა და სხვა ადგილებში პურის ფქვილის გატანის ფოთიდან, რომ დამშეული ხალხის „გულშემატკივარ“ წარმომადგენლები“ (ვაჭრები) მოემადლიერებია,

რის მიზეზითაც ფოთში პური აღარ იშოვნება და თუ იშოვნება (გარდა კოოპერატივისა) ყოველგვარ ნიხრის გარეშე.

თუ შიმშილობა ჩამოვარდა განზრახულია იმ დადგენილების გამოცხობა მეფურნეებისაგან რომლითაც ფქვილების წარმომადგენელი ბ-ნი კაპეიკინი ვალდებული იყო უპრავასან ადგილობრივ საყოფი ფქვილი არ გამოლოცა. პურის სიძვირესთან „ბრძოლის კომიტეტში“ არჩეული არიან ფქვილის წარმომადგენლები და მსხვილი ვაჭრები: ბ.ბ. კაპეიკინი, ლეჟავა, რუხაძე და თოფურაძე. იმედია, პირ ნათლათ შეასრულებენ თავიანთ საქმეს და მოსპობენ სიძვირესთან ბრძოლის საჭიროებას.

— მარგანეცის მუშებმა მიიღეს „მოწინავეთა“ წინადადება და დაადგინეს: რადგან ხაზენები ომის მიზეზით „შევიწროებულნი“ არიან ნამუშევარი ფულიდან ნახევარი აილონ და მეორე ნახევარით ხელი მოუმართონ ადებს ომის დამთავრებამდე. რადგან თუ არა მუშების „შორს მქვრეტელობა“ მრეწველები „ანებებდნენ“ თავს წარმოებას ეს პირველი ნაბიჯია ქართველი მუშებისაგან ეროვნულ ბურჟუაზიის „შეგნებულათ“ გაძლიერებისაკენ (თუმცა ხსენებული მწარმოებლები ბერძენები კია) სხვა და სხვა დარგის მუშებმა მიმართა მარგანეცის მუშებს თავიანთ წარმომადგენლების საშვალეებით: დაგვაგალოს მარგანეცის მუშების ხელმძღვანელებმა სხვა დარგის მუშებსაც და ისე „მოგვიწესრიგოს“ მუშების საქმე, როგორც ეს მარგანეცშიაო. მარგანეცის მუშებმა ყოყმანით უპასუხეს „ვენახოთა“ როგორ ეტყობათ ძლიერ ენანებათ თავიანთი „ბედნიერება“ სხვებსაც. გაუზიარონ. ჩვენც ვნახოთ.

— კოოპერატივის მოწინააღმდეგე ხმოსანთა შტაბმა თავიანთ ჯარის სარდლობა ცეკვაშვილს ჩამოართვა და მგლოვიარე სარდალს ჯაიანს ჩააბარა. უკანასკნელი არწმუნებს თურმე შტაბს: კოოპერატივის წევრების რკალს გავარღვევო. . ესეც ვნახოთ!

ბუტუნას სააგენტო.



# განსაცდელი.

მამა-პაპურ ტახტზე გულაღმა ვიყავი წამოწო-  
ლილი არხენათ და ისეთი განცხრომით ვაბოლებ-  
ნი თამბაქოს, რომ, დარწმუნებული ვარ, რომელ-  
მე ნებიერ ფაშას უფრო ვგავდი, ვიდრე იუმო-  
სტულ ქურნალის გამხდარ თანამშრომელს.

ან კი რა უნდა მქონოდა სადარდელი?

ქურნალის მორიგი ნომერი შედგენილათ მე-  
ულეობდა და სხვა საზრუნავი საიმისო არც კი  
ყო, რომ იმაზე ფიქრით ჩემი ნეტარი ნირვანა  
დამერღვია.

სწორეთ ამ დროს გაიღო ჩემი ოთახის კარი  
და ფეხი შემოდგა იმან, ვისი დანახვაც ნიადაგ  
ნერვებს მიშლის ხოლმე და ვისაც მომავალ ორ-  
სათამდე არას გზით არ მოველოდი, ერთი სიტ-  
ყით—სტამბიდან გამოგზავნილმა კაცმა.

— რა გინდა, ყმაწვილო?—მივაძახე შემო-  
სულს.

— მასალები, ბატონო!

— ხომ არ გაგიჟებულხარ? რის მასალები?  
კი საკმაოზე მეტი გავგზავნე!

— ცენზორმა თქვენი წერილი სულ დაიჭი-  
რა, თეოფილემ (ჩვენი მეტრანაჰეი გახლავთ) ყვე-  
ლა განცხადებები ჩაჰყარა, მაგრამ ერთი გვერდი  
ბინც აკლია. ეხლავე უნდა გამატანოთ, ბატონო!

ეხლა კი ნებიერ ფაშას აღარ ვგავდი. ეხლა  
გავდი... მაგრამ ვის უნდა შევადარო ცენზორის  
გან შეურაცყოფილი და გაბრაზებული ქურნა-  
ლისტი?

ვეფხვივით წამოვარდი ზეზე, ერთი ლაზათიანათ  
მეფუკურთხე ჩვენს ცენზორს, დავჯექი და დავწერე  
მემდგვი:

## „განსაცდელი.

მამა-პაპურ ტახტზე გულაღმა ვიყავი წამოწო-  
ლილი არხენათ და ისეთი განცხრომით ვაბოლებ-  
დი თამბაქოს, რომ, დარწმუნებული ვარ, რომელ-  
სამე ნებიერ ფაშას უფრო ვგავდი, ვიდრე იუმო-  
სტულ ქურნალის გამხდარ თანამშრომელს.

ან კი რა უნდა მქონოდა სადარდელი?

ქურნალის მორიგი ნომერი შედგენილათ მე-  
გულეობდა და სხვა საზრუნავი საიმისო არც კი  
იყო, რომ იმაზე ფიქრით ჩემი ნეტარი ნირვანა  
დამერღვია.

სწორეთ ამ დროს გაიღო ჩემი ოთახის კარი  
და ფეხი შემოდგა იმან, ვისი დანახვაც ნიადაგ  
ნერვებს მიშლის ხოლმე და ვისაც მომავალ ორშა-  
ბათამდე არასგზით არ მოველოდი, ერთი სიტყვით  
სტამბიდან გამოგზავნილმა კაცმა.

— რა გინდა, ყმაწვილო?—მივაძახე შემო-  
სულს.

— მასალები, ბატონო!

— ხომ არ გაგიჟებულხარ? რის მასალები?  
აკი საკმაოზე მეტი გავგზავნე!

— ცენზორმა თქვენი წერილი სულ დაიჭირა,  
თეოფილემ (ჩვენი მეტრანაჰეი გახლავთ) ყველა  
განცხადებები ჩაჰყარა, მაგრამ ერთი გვერდი ბინც  
აკლია. ეხლავე უნდა გამატანოთ, ბატონო!

ეხლა კი ნებიერ ფაშას აღარ ვგავდი! ეხლა  
ვგავდი... მაგრამ ვის უნდა შევადარო ცენზორისაგან  
შეურაცყოფილი და გაბრაზებული ქურნალისტი?

ვეფხვივით წამოვარდი ზეზე, ერთი ლაზათია-  
ნათ შეუკურთხე ჩვენს ცენზორს, დავჯექი და დავ-  
წერე შემდგვი:


## „განსაცდელი.

მამა-პაპურ ტახტზე გულაღმა ვიყავი წამოწო-  
ლილი არხენათ და ისეთი...

მაგრამ, კმარა! ერთი გვერდის მასალა შეს-  
რულდა კიდევ და ნომერი მზათ არის. თუ ააგი  
შეგაწყინეთ, ცენზორს დააბრალოთ, და მე კი მად-  
ლობა მითხარით, რომ ბოლომდის არ გაიშვით,  
რაც იმ განსაცდელის დროს დავწერე.

ეხლა კი სტამბაში გავგზავნათ!

ნაბუქოდონოსორ.



# სიძვირე თფილისში



ჩვენი ვაჭრები თავიანთ მუშტარ ქალებს მართალია კარგ საკაბებს ჰყიდიან, მაგრამ საშივეროთ ტანზე ყველაფერსა ხდიან და ლამის ტყავიც დაატოვებინონ შალაზიში.

## იყიდება გასული წლების ყურნალები:

- 1) „ეშმაკის მათრახი“ 1908 წ. 34 ნომერი 3 მ. 50 კ.
- 2) „ეშმ. მათრახი“ —1909 წლ. 34 ნომერი 3 მ. 50 კ.  
ორივე წიგნი ერთად მშვენიერი ყლით ელირება—9 მან.
- 3) „მათრახი“ 1910 წლის 33 ნომერი—3 მ. 50 კ.

- 4) „ალმანახები“ 1909 წლის 10 ნომერი—50 კ.

პროვინციაში მსურველთ გაეგზავნება ჩვენის ხარჯით ვინც წინ და წინ გამოგზავნის ფულს ან ფასდადებით გაიწერს.

ადრესი: Тифлисъ, Типографія Шрома, Теофилу Болквадзе.